



Sesida dals

Communitgà ils

Protocol nr.

25 d'avrigl 2023

26 d'avrigl 2023

329/2023

### **Dumonda Lamprecht**

concernent biogas da l'agricultura

### **Resposta da la Regenza**

La Confederaziun promova implants da biogas dapi l'october 2021 cun maximalmain 60 % dals custs d'investiziun imputabels (art. 27 da la Lescha d'energia [LEn; CS 730.0]). En quest connex è la contribuziun d'investiziun dependenta dal tip d'implant. Ultra d'ina contribuziun d'investiziun èsi er pussaivel da dumandar ina contribuziun als custs da manaschi (art. 33a LEn). Il potenzial d'electricitad realistic ord rument verd, ruments da victualias e ladim natiral importa tenor in'analisa dal potenzial 12 uras da gigawatt en il chantun Grischun (missiva tar il Rapport d'electricitad carnet nr. 6/2012–2013, p. 350). Da quellas vegnan tratgas a niz oz var 4 GWh. Las cifras che vegnan menziunadas en la dumonda èn stimadas – mo gia areguard il ladim natiral – per in factur essenzialmain pli aut (fin in factur 12). En quest connex sa tracti d'ina ponderaziun teoretica che na resguarda betg la repartiziun dal ladim natiral sin l'entir chantun.

*Tar la dumonda 1:* En il rom dal project *Agricultura neutrala al clima en il Grischun* sustegna il chantun Grischun gia oz projects ch'elavuran soluziuns e respostas pratitgabras sin las dumondas urgentas da la protecziun dal clima en l'agricultura grischuna. Quai cumpiglia er projects en il sector implants da biogas.

*Tar las dumondas 2 e 3:* Las tecnologias èn enconuschentas. Sche biogas vegn alimentà en la rait da gas, alura sto quel vegnir nettegià ordavant cun agid d'in stabiliment tecnic, per ch'el possa ademplir las pretensiuns da qualitat. La rait da gas è liberalisada. Ina cumpradra u in cumprader da biogas stuess ins sco emprim anc chattar. Quant raschunaivel ch'ina collecziun decentrala ed in nettegiament

decentral sco er in'alimentaziun centrala da biogas è, stuess vegnir examinà pli profundamain. Igl è fitg probabel ch'ina collecziun resp. in nettegiament decentral na pudess betg vegnir gestiunà ensemen cun in'alimentaziun centrala, uschia ch'ils custs vegnissan cuvrìds. Quai vala probablmain er schizunt cun in nettegiament central. Il potenzial da biogas ch'è teoreticamain avant maun correspunda ad in dieschavel dal gas natiral che vegn actualmain duvrà en il chantun. Perquai n'è biogas betg in remplazzament real per gas natiral.

*Tar la dumonda 4:* En il rom d'implants da pilot e da demonstraзиun pon implants da biogas vegnir promovìds en il chantun Grischun, sche quests implants servan a la perscrutaziun ed a l'examinaziun d'energias regenerablas u da systems che spargnan energia (art. 23 da la Lescha d'energia dal chantun Grischun [LEG; DG 820.200]). Ina garanzia da promoziun generala per in project betg concretisà na po betg vegnir fatga en il rom da questa dumonda. Ina dumonda da promoziun respectiva po vegnir inoltrada tar il chantun u eventualmain tar la Confederaziun. Ina tala dumonda sto vegnir examinada areguard ils criteris da promoziun, avant ch'ina eventuala contribuziun po vegnir garantida.



En num da la Regenza

Il president:

Peter Peyer

Il chancelier:

Daniel Spadin